

देवी हाथ माई हरीयो रूमाल पगलीयो रा जांजर बजता



देवी हाथ माई हरीयो रूमाल,
पगलीयो रा जांजर बजता,
देवी बाजे-बाजे सोंज ने सवेर,
माताजी री जय बोलो IbdI

ए भवानी कटे जायाने कटे उपनीया,
ए भवानी कठोडा मे लियो अवतार,
माताजी री जय बोलो IbdI

ए भवानी कोटा जायाने बूंदी उपनीया,
अरे भवानी बिलाडा मे लियो अवतार,
माताजी री जय बोलो IbdI

ए भवानी कटे धोया ए माता धोतीया,
अरे भवानी कठोडा मे किनो रे बनाव,
माताजी री जय बोलो IbdI

ए भवानी समंदा में धोया माजी धोतीया,
अरे भवानी बागो माय किनो रे बनाव,
माताजी री जय बोलो IbdI

अरे भवानी गेर रे घूमालो पेरो घागरो,
अरे भवानी ओडवाने चिकनी रो चीर,
माताजी री जय बोलो IbdI

भवानी पगा मे पायलो लागे सोवनी,
भवानी बिछ्यारो लागो रे जडाव,
माताजी री जय बोलो IbdI



अरे भवानी हाथा पगा री मेहन्दी राचनी,
अरे भवानी चुडला मे सोवे रे मजीर ।
माताजी री जय बोलो IbdI

अरे भवानी भगा बाबा ने वाली विनती,
अरे थारा सेवको ने शरणो मे राख,
माताजी री जय बोलो IbdI

देवी हाथ माई हरीयो रुमाल,
पगलीयो रा जांजर बजता,
देवी बाजे-बाजे सोंज ने सवेर,
माताजी री जय बोलो IbdI

Singer – Shankar Tak
Upload By – Manish Sirvi
9640557818
